

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Siunissaq qaninneq eqqarsaatigalugu qaleraleqarfik Sermiligaap piorsaaviginissaa pillugu oqallisissiatut siunnersuut

(Inatsisartunut ilaasortaq Gerth Mikaelson, Naleraq)

Tasiilap nunaqarfiini aalisarnikkut siuarsimanerpaaq ningittagarsorneq eqqarsaatigalugu qalerallit eqqarsaatigalugit piorsaaviginissaa akilersinnaavoq. Aamma innuttaasut tassani aalisarnermut assut piumassuseqartuupput.

Nunatta kangiani inerisaassagaanni Sermiligaaq inerisassallugu pissusissamisoorpoq. Qaleraleqarfiummat. Tassaniinaq inuit arlallit Poca umiatsianik umiatsiaqartuupput. Aamma innuttai utaqqiinartuunngillat. Tunitsiveqarnikkullu noqqaassuteqartarlutik. Tusaaneqartariaqartullu kissaataannik isumaqarpunga.

Sermiligaaq piorsaavigineqarpat nunatta karsianut assut aningaasatigut iluaqutaassaaq. Nunattami "Socialitigut" isumaginninnikkut ingerlatsinerani takussutissaasussaavoq aasaanerani qanoq inuit isumaginninnikkut isumagineqartarneri ikilisartigisut. Ingammik ukioraangat inuttut aningaasatigut isumaginninnikkut isumaginninneq annertusisartoq malunnartarpoq. Taamaammat Sermiligaaq tunitsivittaarpasut inerisaanissamut periarfissat suut takkussuutilissanersut eqqartortariaqarpagut.

Ukioraangat Sermiligaamiit Kuummiunut aqqut sivisooq navianarsinikorlu atorlugu assartuisarneq pilersarpoq. Ukiuni kingullerni piffinni ikerasaat aqqusaarneqartartut sikui navianarsinikuupput, siku saappallaartalernera pissutigalugu. Tamanna inunnik naleqariataartalernera ukiuni siuliini takusarsimavarput.

Ukioq manna qineqqusaariarnitsinni Sermiligaap kangerlua sikueriataarpoq Martsigaaq. Taamaalilluni aalisarneq annertuumik ingerlanneqarsinnaagaluarluni umiatsiaararsorluni pisinnaangilaq Kuummiuni tunitsivik qaninnerpaammat. Tungaannullu aqqutaa navianarsinikuulluni siku saappallaartalernera pissutaalluni. Inuusuttoqarpoq aalisartunik piniartunik eqiingalluinnartunik ukiuunerusukkat uninngalersartunik. Piniakkat nannut puisillu annermik pisassaalertarput, naak qaleraleqarfissuugaluarlutik.



Aningaasatigut nukittuunngorusukkutta TUNU piorsaaffiginissaa sutigut tamatigut oqallinnerni ilaajuartariaqarpoq. Eqeersitsiniaasa periarfissat TUNUMI aalisagarpassuit atorluarlugit. Nunatta aningaasarsiorneq pisariaqartippaa. Akissajaatitut isigiinarunnaarlugu periarfissatsialattut isiginiartaleriartigu.

Iliuuseqaaqatigiissinnaanermut inatsisartoqatit tusarniaavigaatsigit, neriullutalu tamanna pillugu oqallilluarumaartusi, arlaatigullu Naalakkersuisut pitsaasumik siunnerfeqarsinnaalerumaartut